



Obala Kulina bana I, 71000 Sarajevo, Bosna i Hercegovina

Tel: +387 33 20 20 29; tel/fax: +387 33 22 61 71, 44 23 21; E-mail: [sinbih@bih.net.ba](mailto:sinbih@bih.net.ba), [ajdina@sindikاتبih.ba](mailto:ajdina@sindikاتبih.ba),  
Int.Dept: [lcausevic@sindikاتبih.ba](mailto:lcausevic@sindikاتبih.ba), Web-site: [www.sssbih.com.ba](http://www.sssbih.com.ba)

Broj: 01-II-58/14

Sarajevo, 11. februar 2014. godine

Predsjedništvo Glavnog odbora Saveza samostalnih sindikata BiH je na 18. vanrednoj sjednici, održanoj 11. februara 2014. godine u Sarajevu jednoglasno usvojilo s l j e d e ć e

### ZAKLJUČKE

1. Savez samostalnih sindikata BiH prepoznaje da se skoro svi problemi i iz toga proizašli zahtjevi koji se posljednjih nekoliko dana iskazuju na protestima, organizovanim na jednom dijelu teritorije Bosne i Hercegovine, nalaze među zahtjevima koje SSSBiH već godinama iznosi pred organe izvršne i zakonodavne vlasti i na čijem ispunjavanju je insistirao kroz socijalni dijalog, ali i organizujući brojne proteste, štrajkove na svim nivoima. Samim tim, SSSBiH podržava sve legitimne zahtjeve radnika i radnica, nezaspomenih, posebno mladih, osoba, ali i ostalih obespravljenih građana. SSSBiH je već i ranije tražio smjene vlada na svim nivoima u skladu sa Ustavom i zakonima. Tražimo od političkih subjekata da preuzmu odgovornost i da ponude rješenja za zahtjeve SSSBiH.
2. Savezu samostalnih sindikata BiH je potpuno neprihvatljivo rješavanje nagomilanih problema rušenjem ustavno-pravnog poretka, devastacijom imovine države i građana, a posebno ugrožavanjem života bilo koga. Pozivamo sve sindikalne aktiviste i članove sindikata da održe radne procese u svojim kompanijama, institucijama, organizacijama, kako bi se osigurali proces rada i proizvodnje, te funkcionisanje sistema.
3. Savez samostalnih sindikata BiH od svih parlamenata i skupština zahtijeva održavanje hitnih vanrednih sjednica na kojima će se dati odgovori na već ranije iskazane zahtjeve Saveza samostalnih sindikata BiH, čime će istovremeno biti riješeni i zahtjevi koji se posljednjih dana iznose na protestima. Posebno naglašavamo zahtjeve SSSBiH u vezi sa povezivanjem radnog staža svima radnicima, osiguravanjem primarne zdravstvene zaštite svim radnicima i građanima u FBiH, izmjenama Zakona o stečaju, Zakona o prekršajima, transparentnim konkursnim procedurama za prijem novih zaposlenih, te setom antikoruptivnih zakona. Tu su, svakako, i zahtjevi za smanjenje primanja izabranih dužnosnika u organima vlasti, ukidanje raznih paušala i naknada, te svih drugih bespotrebnih privilegija.
4. SSSBiH je i prije prepoznao odgovornost međunarodne zajednice u BiH za stanje u kojem se nalazi Bosna i Hercegovina, a samim tim i Federacija BiH. Svojim nedjelovanjem su u velikoj mjeri doprinijeli da se dešavaju stvari kojima svjedočimo posljednjih nekoliko dana.
5. SSSBiH će i dalje insistirati na Zakonu o radu i kolektivnim ugovorima kojima se neće derogirati stečena prava radnika i radnica. Kongres SSSBiH će biti održan 20. februara 2014. godine i na njemu će biti usvojeni programski ciljevi i rezolucije, kojima će biti jasno definisane smjernice za djelovanje svih nivoa sindikalnog organizovanja u budućnosti (od sindikalnih organizacija, teritorijalnih i granskih nivoa organizovanja, pa sve do Glavnog odbora SSSBiH i rukovodstva SSSBiH), a sve u skladu sa Statutom Saveza samostalnih sindikata BiH i s ciljem rješavanja nagomilanih problema.
6. Predsjedništvo Glavnog odbora SSSBiH oštro osuđuje svaki vid napada i pritiska na granske sindikate – članice SSSBiH, pokušaje da se stave u funkciju određenih centara moći, te spriječi njihovo samostalno djelovanje i izražavanje. Posebnu podršku dajemo Sindikatu policije čiji su članovi u ovom trenutku i životno ugroženi, te zaposlenima koji su usljed uništavanja imovine privremeno ostali bez radnih mjesta.

PREDSJEDNIK  
mr. Ismet Bajramović, s.r.